



Broj: 01-4886-3/25
Sarajevo, 06.11.2025.godine.

Na osnovu člana 64. stav (1) tačka b., člana 70. stav (1), (2), (3), (6) Zakona o javnim nabavkama („Službeni glasnik BiH“, broj 39/14, 59/22 i 50/24), člana 71. Zakona o visokom obrazovanju („Službene novine Kantona Sarajevo“ broj: 36/22 i 28/25), Zapisnika o pregledu i ocjeni ponuda Komisije za javne nabavke, broj: 01-4886-2/25 od 05.11.2025. godine, dekan Fakulteta donosi sljedeću:

O D L U K U
o izboru najpovoljnijeg ponuđača za usluge održavanja i servisa kotlovnice

Član 1.

Prihvata se preporuka Komisije za javne nabavke iz Zapisnika o pregledu i ocjeni ponuda broj: 01-4886-2/25 od 05.11.2025.godine za izbor firme GRIZELJ-GROUP d.o.o., Ul. Nikole Šopa 44, 71000 Sarajevo, IDB:4202002860003 za najpovoljnijeg ponuđača za uslugu održavanja i servisa kotlovnice na period od 36 mjeseci, za potrebe Univerziteta u Sarajevu - Fakulteta sporta i tjelesnog odgoja, prema kriteriju „najniže cijene“.

Ugovor o usluzi održavanja i servisa kotlovnice za potrebe Univerziteta u Sarajevu - Fakulteta sporta i tjelesnog odgoja, dodjeljuje se firmi GRIZELJ-GROUP d.o.o., Ul. Nikole Šopa 44, 71000 Sarajevo, IDB:4202002860003, čija ukupna cijena ponude predmetne nabavke robe 24.990,00 KM bez PDV-a (slovima: Dvadesetčetiri hiljadestotinadevedeset i 00/100KM), odnosno 29.238,30 KM sa PDV-om (slovima: Dvadesetdevet hiljadestotinetridesetosam i 30/100KM).

Član 2.

Izabrani ponuđač je obavezan u roku od 5 dana od dana prijema ove odluke u svrhu dokazivanja lične sposobnosti (član 45. Zakona) ugovornom organu dostaviti slijedeće:

- a. Uvjerenje Suda BiH i nadležnog suda prema sjedištu pravnog lica, odnosno kandidata/ponuđača, da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca;
- b. Uvjerenje nadležnog Suda ili organa uprave kod kojeg je registriran ponuđač kojim se potvrđuje da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti;
- c. Uvjerenje nadležnih institucija kojim se potvrđuje da ponuđač uredno izmiruje dospjele obaveze, a koje se odnose na obaveze za penzijsko i invalidsko osiguranje i zdravstveno osiguranje;
- d. Uvjerenje nadležne/ih institucija o uredno izmirenim obavezama po osnovu direktnih i indirektnih poreza.

Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Izabrani ponuđač mora ispunjavati sve uslove u momentu predaje ponude, u protivnom se smatra da je dao lažnu izjavu iz člana 45. Zakona.

Zadužuje se Komisija za javne nabavke imenovana odlukom dekana broj: 01-2450/25 od 30.05.2025.godine da sačini Zapisnik o dostavljanju dokaza lične sposobnosti (član 45. Zakona) iz stave 1. ovog člana.

Član 3.

Ova odluka objavit će se na web-stranici fakulteta www.fasto.unsa.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.



Član 4.

Ova odluka stupa na snagu danom donošenja i dostavlja se ponuđačima, shodno članu 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju otvorenog postupka za izbor najpovoljnijeg ponuđača za nabavku usluge – Održavanje i servis kotlovnice, broj: 01-3360/25 od 22.07.2025. godine. Javna nabavka je provedena putem otvorenog postupka.

Ukupna procijenjena vrijednost javne nabavke bez PDV-a je 25.000,00 KM

Obaviještenje o nabavci broj: 29327-1-2-11-3-25/25 sa tenderskom dokumentacijom, objavljeno je na Portalu javnih nabavki dana 15.10.2025.godine, a sažetak obavještenja o nabavci objavljen je u Službenom glasniku BiH, broj: 63/25 od 24.10.2025.godine.

Tenderska dokumentacija je objavljena na portal "E-nabavke" u skladu sa članom 55. ZJN.

U periodu koji je ostavljen za postavljanje pitanja, tačnije do dana 25.10.2025.godine, nije bilo postavljenih pitanja.

Na osnovu obavještenja na Portalu javnih nabavki i sažetka obavještenja u Službenom glasniku BiH, tendersku dokumentaciju sa Portala javnih nabavki preuzelo je 9 (devet) ponuđača.

Rok za dostavljanje ponuda bio je do 04.11.2025.godine do 12:00 sati. Javno otvaranje ponuda obavljeno je istog dana sa početkom u 12:30 sati o čemu je sačinjen zapisnik o otvaranju ponuda broj: 01-4886-1/25

Rang lista prihvatljivih ponuda prema kriteriju najniža cijena:

Dostavljena je jedna prihvatljiva ponuda, tako da rangiranje nije realizirano.

Komisija za javne nabavke dostavila je dana 06.11.2025.godine Zapisnik o pregledu i ocjeni ponuda broj: 01-4886-2/25 od 05.11.2025. godine.

U postupku je utvrđeno da je Komisija za javne nabavke blagovremeno i pravilno izvršila otvaranje ponuda i ocjenu pristiglih ponuda, u kojima je utvrđeno sljedeće:

- da je ukupan broj pristiglih ponuda 1 (jedna)
- da neblagovremenih ponuda nije bilo
- da je blagovremeno zaprimljeno 1 (jedna) ponuda

Komisija je izvršila pregled i ocjenu pristigle ponude ponuđača i konstatovala da je ista prihvatljiva, odnosno da je u skladu sa zahtjevima koji su navedeni u tenderskoj dokumentaciji.

U skladu sa tenderskom dokumentacijom i Obavještenjem o nabavci broj: 29327-1-2-11-3-25/25 od 15.10.2025. godine, za predmetnu nabavku predviđeno je provođenje E-aukcije.

Nakon što je u datom roku pristigla samo jedna prihvatljiva ponuda, Komisija je u skladu sa odredbama



Pravilnika o uslovima i načinu korištenja e-aukcije ("Službeni glasnik BiH", broj: 80/23), konstatovala da nema uslova za provođenje E-aukcije, te okončala postupak u skladu sa članom 3. stav (3) Pravilnika i članom 69. Zakon o javnim nabavkama („Sl. glasnik BiH“, broj 39/14, 59/22 i 50/24).

Komisija za nabavku, nakon pregleda i ocjene ponude, konstatira da je ponuda ponuđača GRIZELJ-GROUP d.o.o. prihvatljiva i predlaže njegov izbor:

R.br	Naziv ponuđača	IDB/JIB	Konačna cijena u KM bez PDV-a
1.	GRIZELJ-GROUP d.o.o. Sarajevo	4202002560003	24.990,00

Slijedom gore navedenog, nakon pregleda i ocjene ponude u postupku nabavke usluge – održavanja i servis kotlovnice, Komisija za javne nabavke predložila je dekanu prihvatanje ponude ponuđača GRIZELJ-GROUP d.o.o. Sarajevo Ul. Nikole Šopa 44, 71 000 Sarajevo, prema kriteriju "najniža cijena", te shodno članu 70. Zakona, donošenje Odluke o izboru najpovoljnijeg ponuđača za predmetnu nabavku usluge održavanja i servisa kotlovnice.

Uvidom u priloženu dokumentaciju, nesporno je da je izabrani ponuđač GRIZELJ-GROUP d.o.o. Sarajevo Ul. Nikole Šopa 44, 71 000 Sarajevo, odabran primjenom kriterija najniže cijene koja je ponuđena u iznosu od 24.990,00 KM bez PDV-a, odnosno 29.238,30 KM sa PDV-om.

Obzirom na naprijed navedeno, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka.

Akt pripremljen
Senada Kovačević

Dostaviti:

- Dekan
- Ponuđači
- Stručni saradnik za javne nabavke
- Komisija za javne nabavke
- Računovodstvo
- Pravna služba
- Web stranica
- a/a